

أربع البسخة 2019

بين ساكية الطيب و التلميذ الخائن

تأمل عن المفارقة بين تلميذ سرق و باع بأبخس الأثمان ... و بين امرأة مجهولة كسرت قارورة الطيب الغالية كلها على رأس المخلص



≠ مقارنة رهيبة

أربعاء البسخة فيه مفارقة كبير جداً:

1. تلميذ باع بثمن عبد (30 من الفضة)

2. ساكية طيب مجهولة كسرت قارورة طيب ب 300 دينار (أجر عام كامل)

هو أنا عارف ربنا كويس؟

هل يسير اثنان معا ان لم يتواعدا؟

— عاموس 3 : 3

يهودا كان ماشي مع ربنا فترة طويلة من غير ما يعرفه كويس ... و احنا بنبقى كده برضه

للأسف احنا كثير بنعمل زيه و نبيع بأرخص من كده ... كلمة / نرفزة / إدانة / نظرة عدم احترام أو عدم محبة ...

أنا كده بارفض ربنا إنه يكون جوايا

رحلة إلى قلب الله ♥

رحلة عظيمة

فحملني روح و اتى بي الى الدار الداخلية و اذا بمجد الرب قد ملا البيت و سمعته يكلمني من البيت و كان رجل واقفا عندي. و قال لي يا ابن ادم هذا مكان كرسيّ و مكان باطن قدمي حيث أسكن في وسط بني اسرائيل إلى الأبد

— حزقيال 43 : 5 – 7

• ربنا يقول لكل واحد فينا: تعالى بص على قلبي فيه إيه؟ قد إيه فيه محبة عظيمة

• كفاية ننظر لإيد ربنا عايزين ناخذ طلباتنا ... تعالوا نروح في رحلة لقلب ربنا و نستمتع بحبه لينا

• هل إحنا قدّ الرحلة دي؟ عايزة قداسة و إخلاء ذات!! لكن ربنا يرد: "حملني الروح"

أنا دوري: أسيب نفسي بإيمان ... لزيارة نعمة ... أقعد مع ربنا و أسمع و أتكلم معاه و أسيب له نفسي

• ساعتها فعلاً هاكون مبسوط و يجيلي سلام

• "مكان كرسيّ": الصليب ... زي ما بنقول في "بيك إثرونوس": كرسيك يا الله إلى دهر الدهور, قضيب الاستقامة هو قضيب ملكك

? ليه يا يهوذا؟

لو عملت كده هاشوف اللي شافته ساكية الطيب و ماشافوش التلميذ:

• يهوذا كان بيسرق ليه؟

• ربنا عارف إن الفلوس مهمة جداً ليه, ربنا اختاره و مسّكه الصندوق ... أكثر من 3 سنين عمر ما الصندوق فيّ بل كان بيفيض و بيوزّع منه للفقرا

• طب يهوذا خايف من إيه؟

لسان حال يهوذا

المستقبل مجهول و غامض و أنا سبت كل حاجة ... مش ضامن الدنيا

• طب قلقان ليه يا يهوذا؟ ليه بتسرق و تحوّش؟

• أنا كمان جوايا مخاوف: إيش ضمنيّ إن الصندوق هيفضل مليون على طول؟ و إنه هيفضل معانا على طول

كسر القارورة

• المرأة: كسرت القارورة و سكبتها على رأسه ... يعني كل حاجة

إحنا آخرنا بننقّط شوية من القارورة بس ... لكن إننا نكسر القارورة دي!! لسة خايفين نعملها ... دي قلة محبة مننا و عظم محبة و إيمان منها

- أنا أدّعي إني أعرف ربنا كويس ... طب ليه ما عنديش شجاعة كسر القارورة؟
- أنا مش فاهم قيمة دم ربنا كويس ... الدم اللي تراه العدالة الإلهية و نستخبى إحنا وراه و ناخذ البراءة
- عشان كده (عشان مش فاهم موضوع التبرير) بأفضل أحس بذنّب و أجلد نفسي كل شوية (عشان باشوف قيمة الدم ده بالنسبة لي) ... لو فهمت قيمة الدم ده عند الله الآب، هاستخبى فيه على طول
- إحنا داخلين الكنيسة (بكثرة رحمتك) ... باستحقاقات و تبرير الدم

محتاج تجديد

"وأعطيكم قلبا جديدا، وأجعل روحا جديدة في داخلكم، وأنزع قلب الحجر من لحمكم وأعطيكم قلب لحم

— حزقيال 36 : 26

القلب اللي عندي حجري عتيق محتاج يتجدد ... ده عمل الجهاد الروحي ... أدّي فرصة لربنا يزرع فيّ روح جديدة و قلب جديد

نرحب جداً بكل الوعظات سواء اللي متسجلة لخدام في الكنيسة أو أي وعظة انت سمعتها و حابب تشاركها مع إخوانك ... لو سمعت وعظة حلوة تفيد الشمامسة من أي مرحلة عمرية ابعت لنا 